



Clypevs Theologiæ Thomisticæ

Continens Tractatus de Beatitudine, de Actibus humanis, eorumque Moralitate; de Virtutibus ac Donis, de Vitiis ac Peccatis, & de Legibus, nec-non Dissertationem Theologicam de Probabilitate

Gonet, Jean-Baptiste

Parisiis, 1669

§. II. Prima difficultas resolvitur

[urn:nbn:de:hbz:466:1-77355](#)

DE VOLUNTARIO ET INVOLUNTARIO.

99

Decundum, utrum in cessatione ab actu possit voluntas pati violentiam? Tertium, an possit pati violentiam, saltem quantum ad actus a se imperatores; qui sunt duplicitis generis, quidam enim solum a voluntate imperantur, & ab alia potentia eliciuntur, ut visio, deambulatio, &c. Alij vero non solum sunt a voluntate imperati, sed etiam ab illa eliciti, ut cum voluntas per unum actum seipsum applicat ad eliciendum aliud, v. g. cum ex intentione finis, imperat electionem mediorum. In hoc ergo triplici sensu resolvenda est difficultas proposita.

S. II.

Prima difficultas resolvitur.

Dico primò: Per nullam potentiam potest inferri voluntas voluntati in actu ab ea elicito. Ita D. Thomas hic art. 4. & 1. p. qu. 82. art. 1. & qu. 22. de verit. art. 5. post Anselmum libro de libero arbitrio cap. 6. ubi ait: *In invito nemo potest velle aliquid, quia non potest velle non lens velle.*

62. Probatum primò conclusio: Omnis actus elicitus a voluntate est essentialiter voluntarius: Ergo per nullam potentiam potest esse violentus aut coactus. Consequens patet, nam voluntarium & violentum opponuntur. Antecedens probatur: Omnis actus elicitus a voluntate, est a principio intrinseco cum cognitione; nam voluntas est principium intrinscum, & sine cognitione prævia operari non potest: Ergo est voluntarius.

63. Probatum secundò: Violentum est illud quod est contra inclinationem ejus quod dicitur violentiam pati: Sed omnis actus a voluntate elicitus, est secundum ejus inclinationem, immo est quædam inclinatio ejus actualis; licet enim non semper inclinet voluntas in objectum, sed aliquando illud aversetur & fugiat, tamen ipsa nolit seu actus aversionis, est quoddam pondus voluntatis ad fugiendum & refutandum objectum, & sic semper est inclinatio ex parte actus, licet sit repugnans erga objectum: Ergo nullus actus a voluntate elicitus, potest esse violentus.

64. Quædam tamen in contrarium fieri possunt instantia. Prima est: Voluntas potest necessitari a Deo, ut patet in amore beatifico: Ergo & cogi. Probatur Consequentia: tum a paritate rationis: tum etiam quia voluntas ex natura sua inclinata est ut liberè operetur: Ergo cum necessitatur circa aliquid objectum, movetur contra naturalem suam inclinationem, & consequenter infert ei violentia & coactio.

E Addo quod, non solum violentiarum res, quando impeditur a proprio actu, sed etiam quando ab extrinseco fit ut majori pondere tendat quam tenderet secundum propriam inclinationem; ut lapis non solum violentatur, quando detinetur ne descendat, sed etiam quando deorsum jacitur majori impetu quam expostulet ejus gravitas: At quando Deus necessitat voluntatem ad aliquem actum, majori impetu tendit in illum, quam ejus natura expostulet: Ergo tunc voluntas violentatur, seu cogitur.

65. Secunda instantia est: Datò quod actus elicitus a voluntate non sit, nec esse possit contra inclinationem actualis & elicital voluntatis; non tamen repugnat esse contra inclinationem ejus habitualem, seu propensionem innatam

A ipsius, ut patet in peccato, quod est contra naturalem hominis inclinationem, ut docet S. Thomas infra qu. 71. art. 2. & tamen elicitor a voluntate: Sed ad violentiam sufficit quod actus sit contra inclinationem habitualem, seu propensionem innatam ipsius voluntatis: Ergo voluntas etiam in actu elicito potest pati violentiam.

Tertia instantia: Si ratio adducta valeret, se queretur quod nec intellectus, nec alia potentiae virales possent pati violentiam, quantum ad elientiam suorum actuum: Sed hoc dici nequit, ut infra patebit: Ergo &c. Sequela probatur: quia intellectio, & qualibet actio vitalis,

B necessariò debet esse a principio intrinseco, & consequenter sine repugnancia intellectus, & principij vitalis; nam quod ab intrinseco emanat, sine repugnancia emanat: Ergo si actus voluntatis non potest elici violenter, quia est a principio intrinseco inclinante & non repugnante; similiter actus intellectus, vel alterius potentiae vitalis, violentus esse non poterit.

Quarta instantia: Deus potest voluntatem inclinatam in aliquod objectum, per motionem effacientem inclinare ad oppositum, & si sit in ea odium Petri v. g. ponere ejus amorem: Ergo potest illi inferre violentiam, etiam quantum ad actus elicitos.

C Ad primam instantiam respondeo, concessio Antecedente, negando Consequentiam: quia non est idem voluntatem necessitari, & cogi; nam necessarium non opponitur voluntario, immo voluntarium abstrahit a necessario & libero, ut supra ostensum est: violentum verò, cum debeat esse a principio extrinseco, è diametro opponitur voluntario: unde licet voluntas in actu elicito possit a Deo necessitari, non tamen potest ab ipso cogi; ad primum enim sufficit quod sine indifferentia judicij moveatur & eliciat actus suos; ad secundum verò requiritur quod moveatur & eliciat actus a principio extrinseco cum resistentia intrinseci; quod repugnat actu voluntatis, cum essentialiter sit actus vitalis, & actualis ejus inclinatio, ut supra ponderatum est. Unde D. Thomas qu. 22. de verit. art. 5. *Duplex est necessitas, altera coactionis, altera naturalis inclinationis: sicut lapis necessitatur ad descensum deorsum naturali pondere & inclinatione, & ad motum in locum supernum necessitatur ex coactione.* Ex quo patet responsio ad primam probationem Consequentie, & ratio discrimini quæ inter necessarium & violentum seu coactum reperitur.

E Ad secundam, nego quod operari necessariò sit contra inclinationem voluntatis: nam voluntas non minus inclinata est ad operandum necessariò, quando objectum sine indifferentia proponitur, quam ad operandum liberè, quando illi proponitur cum indifferentia, unde neutrum est violentum: sicut supra dicebamus, quod quia cœlum est capax ab intrinseco motus & quietis, non est violentum ei quod moveatur, nec erit illi violentum quod quiescat post diem judicij; vel sicut quia aer est capax lucis & tenebrarum, nec lux nec tenebrae ei violentia sunt.

F Ad tertiam probationem nego Majorem: Nam quando lapis descendit majori impetu quam expostulet ejus gravitas, talis motus non est ei violentus, neque naturalis, sed prænaturalis: sicut fluxus & refluxus Oceani, aut motus circu-

N ij

66.

67.

68.

69.

70.

Tom. III.

DISPUTATIO PRIMA

laris ignis in sua sphæra ad raptum cœli; & ratio est, quia licet sit à principio extrinseco, non est tamen contra, sed præter inclinationem passi. Vel, quicquid sit de hoc, Respondeo secundò, datâ Majori, negando Minorem: cùm enim voluntas sit appetitus rationalis, & sequatur du&ctum & cognitionem rationis, ex natura sua inclinata est ut majori ac vehementius impetu feratur in objectum, quod illi non repræsentatur ut indifferens, sed ut continens omnem rationem boni, quām in aliud quod illi cum indifferencia proponitur, & ut bonum aliquid finitum & particulare ei repræsentatur.

71. Ad secundam instantiam nego Majorem. Ad cuius probationem dico, peccatum esse contra naturalem hominis inclinationem, inadæquatam & partialem, non tamen contra totalem & adæquatam. Duplex enim distingui solet in voluntate inclinationis, una in ordine ad bonum honestum & rationi consonum, quod est objectum ejus partiale & inadæquatum; altera ad suum objectum adæquatum, quod est bonum in communi, prout abstrahit à vero vel apparenti, ab honesto vel delectabili: Itaque actus peccati est contra primam inclinationem, non vero contra secundam: Cùm enim nemo intendens malum operetur, ille qui peccat intendit & querit ali&quod bonum, saltē apparet & delectabile secundū sensum; adeoque actus peccati non est violentus, sed naturalis simpliciter; licet possit dici secundū quid violentus, quatenus est contra inclinationem recte rationis.

72. Ad tertiam instantiam, distinguo Majorem: Intellectus & potentiae vitales non possunt pati violentiam in suis actibus, abfolutè & quoad substantiam consideratis, concedo Majorem: in suis actibus reflectivè sumptis, & prout dicunt ordinem ad voluntatem à qua imperantur, nego Majorem, & concessò Minori, nego Consequentiam. Intellectus ergo, & alias potentiae vitales quæ subsunt motioni voluntatis, possunt considerari quantum ad elicentiam suorum actuum dupliciter; unò modò absolute, & quoad substantiam actus qui elicitor; aliò modò reflectivè ad voluntatem, vel ad aliud principium interius à quo moventur: Si considererent primò modò, non possunt pati violentiam in actibus à se elicitor; quia hoc ipso quid illi actus sunt vitales, à principio intrinseco procedunt, & sic implicat quid sint violenti; unde in hoc parificantur cum actibus elicitor à voluntate: At vero secundò modò potest pati violentiam non tam ipse intellectus qui moverur à voluntate, quām ipsa voluntas movens, quæ ob aliquod impedimentum potest suò intento & imperio frustrari: quare actus imperator possunt esse partim naturales, partim violenti, seu mixti ex naturali & violento; sunt enim naturales, quatenus procedunt à suis potentias, & violenti, quatenus interdum sunt contra inclinationem voluntatis.

73. Ad ultimam, concessò Antecedente, nego Consequentiam: nam ut ait D. Thomas qu. 22. de verit. art. 8. *Quantumcumque voluntas immutetur in aliiquid, non dicitur cogi in illud: cuius ratio est, quia ipsum velle aliiquid est inclinari in illud, coactio autem vel violentia est contra inclinationem illius rei qua cogitur.* Cum igitur Deus voluntatem immutat, facit ut precedenti inclinationi succedat alia inclinationis; ita quid prima auferatur, & secunda maneat: unde illud ad quod

A inducit voluntatem, non est contrarium inclinationi jam existenti, sed inclinationi que prius inerat; unde non est violentia, neque coactio. Sicut lapidi ratione sua gravitatis ineſt inclinatio ad locum deorsum: hac autem inclinatione manente, si sursum proiciatur, erit violentia; si autem Deus auferat à lapide inclinationem gravitatis, & det ei inclinationem levitatis, tunc ferri sursum non erit ei violentum; & ita immutatio motus potest esse sine violentia. Et per hunc modum intelligendum est, quid Deus voluntatem immutat sine eo quid voluntatem cogat. Et in 2. sent. dist. 25. qu. 1. art. 2. ad 2. Deus operatur (inquit) in voluntate & in libero arbitrio, secundum ejus exigentiam: unde etiam voluntatem hominis in aliud mutet, nihilominus tamen hoc sùa omnipotentiâ facit, utilid in quid mutatur voluntariè velit.

S. III.

Secunda difficultas expeditur.

D Ico secundò: Si Deus voluntatem ad operandum propensam, per subtractionem sui concursus, vel objecti, impediret ne in actum prorumperet; vel operationem jam incæptam continuaret, non inferret illi violentiam, sed voluntas tunc connaturaliter quiesceret, & ab operatione cessaret. Est contra Almaïnum, Vazquem, Lorcam, Valentiam, & alios, qui existimant voluntatem posse pati à Deo violentiam in cessatione ab actu: v. g. si Beato videnti Deum, & in amorem ejus anhelanti, subtraheret Deus concursum ad talen amorem, aut si voluntati præventæ cognitione congruâ, & parata ad consensem, Deus concursum ad consentiendum denegaret, violentiam illi inferret.

Probatur conclusio ratione fundamentali: Causæ inferiores non pertinet ex natura sua operari, nisi stante motione & influxu causa superioris, cui per se subordinantur in agendo: Ergo sicut naturaliter inclinantur ad agendum, supposito influxu & motu talis cause superioris, ita naturaliter quiescent, & sine ulla plane violentia aut resistenter cessant ab operando, si causa superior non influat nec moveat: unde sicut naturale & non violentum est, cessare lucem in aëre, cessante luminosum; aut cœlum quiescere, cessante motu intelligentiæ; vel subtrahendo divinò concursu ignem à combustionē cessare, ut contigit in fornace Babylonica: ita connaturale est voluntati, cessante concursu Dei, non operari, vel ab operatione jam incæpta desistere.

Confirmatur: Omnis creatura, ut docet S. Thomas 2. contra Gentes cap. 21. & lib. 3. cap. 100. habet se respectu Dei ut instrumentum quoddam; quia sicut instrumentum non potest operari, nisi per actualem motionem causæ principalis, ita neque aliqua causa secunda potest agere, nisi actualem motu à prima: Sed cessante motu causa principalis in instrumento, naturale est illi non operari: Ergo naturale est voluntati, & cuilibet causa secundæ, non operari, cessante motione Dei. Idem dicendum est, si subtrahatur objectum voluntati, aut ei non proponatur: cùm enim voluntas sit appetitus rationalis, naturale est illi non ferri in cognitum: Ergo remoto vel non cognito objecto, non est violentum quod non operetur vel cesseret ab actu, sed potius connaturale,